



Број/ Број : 02/2-50-1-23-40/09

Сарајево/ Сарајево: 30.3.2010. године

ZAPISNIK

40. sjednice Komisije za vanjsku i trgovinsku politiku, carine, saobraćaj i komunikacije

Doma naroda

Parlamentarne skupštine Bosne i Hercegovine, održane 30.3.2010.

Sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH (u daljnjem tekstu: Komisija) sazvala je predsjedavajuća Komisije Alma Čolo.

Sjednici Komisije su, u svojstvu članova, prisustvovali: Alma Čolo, Adem Ibrahimpašić, Slobodan Šaraba i Branko Zrno, te Nenad Pandurević, sekretar, i Dobrinka Savić, stručni saradnik u Komisiji. Odsustvo su opravdali Dušanka Majkić i Božo Ljubić.

Sjednici su, u svojstvu predlagača i izvjestilaca, prisustvovali: Rudo Vidović, ministar, Kojo Koprivica, pomoćnik ministra, i Zoran Andrić, viši stručni saradnik u Ministarstvu komunikacija i prometa BiH, Miroljub Krunić, pomoćnik ministra finansija i trezora BiH, Edin Šehić, šef odsjeka u Ministarstvu vanjskih poslova BiH, Trpimir Rebac, pomoćnik ministra i Grenko Arapović, stručni savjetnik u Ministarstvu pravde BiH, Seid Uzunović, šef odsjeka, i Boško Kenjić, stručni savjetnik u Ministarstvu vanjske trgovine i ekonomskih odnosa BiH, Lidija Vignjević, direktorica Instituta za intelektualno vlasništvo BiH, te Medina Delalić, viši stručni saradnik u Sektoru za odnose s javnošću u PSBiH.

Sjednica Komisije počela je u 14 sati.

Predsjedavajuća Komisije Alma Čolo je za sjednicu predložila sljedeći

DNEVNI RED

1. Usvajanje Zapisnika 39. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH;
2. Razmatranje Prijedloga zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu (druga komisijska faza), predlagač: Vijeće ministara BiH;
3. Razmatranje Prijedloga zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini (druga komisijska faza), predlagač: Vijeće ministara BiH;
4. Razmatranje Prijedloga zakona o zaštiti topografije integriranog kola (prva komisijska faza), predlagač: Vijeće ministara BiH;
5. Razmatranje davanja saglasnosti za ratificiranje Sporazuma o zajmu između Bosne i Hercegovine i Evropske banke za obnovu i razvoj za Projekat Mahovljanska petlja;
6. Razmatranje davanja saglasnosti za ratificiranje Sporazuma o finansiranju i projektu između KfW, Frankfurt na Majni, i Bosne i Hercegovine, koju zastupa Ministarstvo finansija i trezora BiH, kao i Federacije Bosne i Hercegovine, koju zastupa Federalno ministarstvo finansija, i Općine Bihać, Agencija za izvođenje projekta, Prikupljanje i tretman otpadnih voda, Bihać;
7. Razmatranje davanja saglasnosti za ratificiranje Sporazuma o zajmu (Projekat poboljšanja životnih uslova na selu) između Bosne i Hercegovine i Međunarodnog fonda za poljoprivredni razvoj;
8. Razmatranje davanja saglasnosti za ratificiranje Sporazuma između Vijeća ministara BiH i Vlade Crne Gore o prijevozu putnika i tereta u međunarodnom drumskom saobraćaju;
9. Razmatranje davanja saglasnosti za ratificiranje Sporazuma o zračnom saobraćaju između Vijeća ministara BiH i Vlade Ruske Federacije;
10. Razmatranje davanja saglasnosti za ratificiranje Sporazuma između Bosne i Hercegovine i Republike Indije o međusobnoj pravnoj pomoći u krivičnim stvarima;
11. Razmatranje davanja saglasnosti za ratificiranje Memoranduma o razumijevanju između saveznog ministra odbrane i sporta Republike Austrije, Vijeća ministara BiH, Vlade Republike Hrvatske, Vlade Kraljevine Danske, Ministarstva vanjskih poslova Republike Francuske, Vlade Republike Mađarske, Vlade Republike Makedonije, Vlade Kraljevine Holandije, Vlade Kraljevine Norveške, Vlade Republike Poljske, Vlade Švicarske Konfederacije, Vlade Republike Turske, Vlade Ujedinjenog Kraljevstva Velike Britanije i Sjeverne Irske i Vlade Sjedinjenih Američkih Država vezano za saradnju u radu Centra za obuku za operacije podrške miru u Bosni i Hercegovini;

12. Razmatranje Izvještaja o aktivnostima na Projektu „Autoput na Koridoru Vc“ i Plana narednih aktivnosti;
13. Razmatranje Prijedloga mjera Vijeća ministara BiH za poboljšanje uslova poslovanja u poljoprivrednoj proizvodnji i prehrambenoj industriji Bosne i Hercegovine;
14. Razmatranje Izvještaja Delegacije Parlamentarne skupštine Bosne i Hercegovine pri Parlamentarnoj skupštini Vijeća Evrope o aktivnostima Vijeća Evrope u 2009. godini;
15. Informacije Ministarstva vanjskih poslova Bosne i Hercegovine:
 - Liberalizacija viznog režima za građane Bosne i Hercegovine – aktuelne informacije;
16. Tekuća pitanja:
 - Godišnji izvještaj o aktivnostima Energetske zajednice;

Predloženi dnevni red usvojen je jednoglasno.

Ad. 1. Usvajanje Zapisnika 39. sjednice Komisije

Zapisnik 39. sjednice Komisije usvojen je jednoglasno.

Ad. 2. Razmatranje Prijedloga zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu (druga komisijska faza), predlagač: Vijeće ministara BiH

Predsjedavajuća Komisije Alma Čolo konstatirala je da se Prijedlog zakona razmatra u drugoj komisijskoj fazi, te da je prisutan predstavnik predlagača. Dalje je istakla da je na Prijedlog zakona u toku amandmanske faze ona uložila jedan amandman koji je identičan amandmanu usvojenom u Predstavničkom domu. Dalje, je informirala prisutne da je u međuvremenu Ministarstvo komunikacija i prometa BiH dostavilo prijedlog za još jedan amandman kako bi se izvršila tehnička ispravka u članu 17. stav (12) Prijedloga zakona. Predložila je da ona, u skladu s članom 103. stav (2) Poslovnika, uloži taj amandman na sjednici. Prijedlog je jednoglasno prihvaćen, te se nakon toga pristupilo izjašnjavanju u ulozenim amandmanima. Komisija je jednoglasno usvojila sljedeće amandmane:

Amandman I.

U članu 17. stav (12) mijenja se i glasi:

„(12) Oznake plombi, prateće dokumentacije i način imenovanja Komisije za radionice iz člana 18. stav (3) ovog zakona pravilnikom propisuje ministar, u saradnji sa Institutom i entitetskim zavodima.“.

Amandman II.

U članu 39. u stavu 1. riječi: „ do 16.3.2010. godine“ zamjenjuju se riječima: „do 16.6.2010. godine“.

Nakon izjašnjavanja o amandmanima, prisupilo se izjašnjavanju o Prijedlogu zakona, u skladu s članom 104. stav (4) Poslovnika Doma naroda. Komisija je jednoglasno prihvatila Prijedlog zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu sa usvojenim amandmanima, i odlučila predložiti Domu naroda Parlamentarne skupštine BiH njegovo usvajanje.

U skladu s odredbama člana 107. Poslovnika Doma naroda Parlamentarne skupštine BiH, Komisija je za izvjestioca na sjednici Doma odredila Almu Čolo, predsjedavajuću Komisije.

Ad.3. Razmatranje Prijedloga zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini (druga komisijska faza), predlagač: Vijeće ministara BiH

Predsjedavajuća Komisije Alma Čolo konstatirala je da sjednici prisustvuje Rudo Vidović, ministar komunikacija i prometa BiH, sa saradnicima. Predložila je da se ministar ili neko o njegovih saradnika uključi u diskusiju ako to bude potrebno. Podsjetila je sve prisutne da je Ministarstvo komunikacija i prometa BiH dostavilo pismeno izjašnjenje na sve amandmane uložene u toku amandmanske faze u Domu naroda. Dodala je da su amandmane uložili delagati: Alma Čolo, osam amandmana, Ivo Miro Jović, tri amandmana, Slobodan Šaraba, pet amandmana, Dušanka Majkić, tri amandmana i Ilija Filipović, jedan amandman. Pojasnila je da su osam amandmana koje je ona uložila identični amandmanima usvojenim u Predstavničkom domu. Predložila je da se Komisija izjašnjava odmah o svim amandmanima jednog podnosioca, što je jednoglasno prihvaćeno.

Predsjedavajuća Alma Čolo prvo je predložila da se Komisija izjasni o njenim amandmanima. Podsjetila je članove Komisije da je Ministarstvo komunikacija i prometa BiH u svom pismenom izjašnjenju iznijelo stav da prihvata njenih šest amandmana i to amandmane I., II., IV., V., VI., VII. Za amandman III. Ministarstvo je predložilo određenu modifikaciju, dok je za amandman VIII. predložilo da se briše, s obzirom da za njim nema više potrebe ako se usvoji modificiran amandman III. Predsjedavajuća Čolo rekla je da ona pristaje da modificira svoj amandman III. prema prijedlogu Ministarstva komunikacija i prometa BiH, te da odustaje od amandmana VIII. Predložila je da se članovi Komisije izjasne o njenih sedam amndmana:

Amandman I.

U članu 22. u stavu (1) iza riječi: “stav (2)” dodaju se riječi: “i (3)”.

Amandman II.

U članu 42. Prijedloga zakona dodat je novi član 129b. i u članu 129b. u stavu (3) iza riječi: “za smještaj tereta” dodaju se riječi: “vozila iz člana 129a. stav (2)”.

Amandman III.

„U članu 69. st. (2), (3) i (4) mijenjaju se i glase:

„(2) U članu 225. stav (5) riječ „deset“ zamjenjuje se riječju „sedam“.

(3) U stavu (8) riječ „15“ zamjenjuje se riječju „deset“.

(4) U stavu (10) riječ „15“ zamjenjuje se riječima: „najmanje deset“.”

Amandman IV.

Članom 78. Prijedloga zakona dodat je novi član 234a. i u članu 234a. stav (1) tačka 2) brišu se riječi “stav (2)”.

Amandman V.

U članu 81. u stavu (1) briše se tačka 1a).

Dosadašnja tačka 1b) postaje tačka 1a).

Amandman VI.

Član 83. mijenja se i glasi:

(1) U članu 239. u tački 12) riječi: „čl. 55 i“ zamjenjuju se riječju „član”.

(2) U tački 17) iza riječi: „člana 81.“ dodaju se riječi: „i člana 82“.

(3) Tačka 20) mijenja se i glasi:

„20) vozač koji neispravno vozilo vuče suprotno odredbama člana 88.“;

(4) U tački 21) riječi „tač.“ mijenja se riječju „stav“ a na kraju teksta dodaju se riječi: „kao i vozač koji upravlja traktorom bez upaljenog žutog rotacionog svjetla (član 90. stav (6))”.

(5) Tačka 22) mijenja se i glasi:

„22) gonič stoke koji stoku ne drži u skladu s odredbama člana 104. st. (2) i (4)“.

(6) U tački 29) riječi: „stav (5)” zamjenjuju se riječima: „stav (7)”.

(7) U tački 30) riječi: „član 183. stav (1)” zamjenjuju se riječima: „član 177. stav (5)“.

(8) U tački 33) riječi: „saobraćajnu dozvolu” zamjenjuju se riječima: „potvrdu o registraciji”.

Amandman VII.

Članom 84. Prijedloga zakona dodat je novi član 239a. i u članu 239a. u stavu (4) riječi: “stav (3)” zamjenjuju se riječima: “stav (4)”.

Komisija je jednoglasno prihvatila svih sedam amandmana Alme Čolo.

Nakon glasanja o amandmanima Alme Čolo, predsjedavajuća je predložila da se Komisija izjasni o amandmanima koje je uložio Ivo Miro Jović. Podsjetila je članove Komisije da je Ministarstvo komunikacija i prometa BiH u svom izjašnjenju konstatiralo da u suštini podržava amandmane I. i III. delegata Ive Mire Jovića, ali uz određene modifikacije kojima se tekst Prijedloga zakona usaglašava s tekstem osnovnog zakona, gdje je jasno definirano koji su organi nadležni za obrazovanje.

Delegat Ivo Miro Jović istakao je da su pitanja obrazovanja ustavna nadležnost kantona a ne Federacije BiH. Dodao je da nema ništa protiv da ostane „entiteti“ i da se doda i „kanton“.

U vezi s amandmanom II. delegata Ive Mire Jovića, predsjedavajuća je konstatirala da Ministarstvo komunikacija i prometa BiH ne prihvata taj amandman. Dodatno obrazloženje dao je Kojo Koprivica, kao predstavnik nadležnog ministarstva. Istako je da Ministarstvo komunikacija i prometa BiH smatra da treba prihvatiti amandman Dušanke Majkić koji se odnosi na isti član, a onda praktično nema potrebe za amandmanom delegata Jovića. Nakon obrazloženja, Jović je odustao od svog amandmana II. Predsjedavajuća je predložila da se članovi Komisije izjasne o modificiranim amandmanima I. i III. delegata Ive Mire Jovića, koji glase:

Amandman I.

U članu 2. stav (4) iza riječi “entiteta” stavlja se zarez i dodaje se riječ „kantona“.

Amandman III.

U članu 54. stav (1) iza riječi “entiteta” stavlja se zarez i dodaje se riječ „kantona“.

Članovi Komisije jednoglasno su prihvatili oba amandmana.

Pristupilo se izjašnjavanju o amandmanima koje je uložila delegat Dušanka Majkić. Predsjedavajuća je podsjetila da Ministarstvo komunikacija i prometa BiH prihvata sva tri amandmana, s tim što za amandmane I. i III. predlažu da se modificiraju.

Dodatno obrazloženje, u ime Ministarstva komunikacija i prometa BiH, dao je Kojo Koprivica. Istakao da se modificiranje amandmana I. Dušanke Majkić predlaže kako bi se osiguralo da predmetna kontrola na teritoriji Bosne i Hercegovine bude zasnovana na jednakim principima, ne ulazeći u samu problematiku načina i postupka vršenja kontrole. Za prijedlog modificiranja amandmana III. istako je da Ministarstvo smatra da je novčana kazna

koja je propisana u članu 236. osnovnog teksta Zakona, od 50 do 250 KM, primjerenija ovom prekršaju u odnosu na novčanu kaznu popisanu članom 235., koja iznosi od 100 do 300 KM.

Nakon obrazloženja amandmana, predsjedavajuća Alma Čolo predložila je da se Komisija izjasni o amandmanima Dušanke Majkić, uključujući modifikacije koje je predložilo Ministarstvo komunikacija i prometa BiH:

Amandman I.

U članu 46., koji se odnosi na član 177. Zakona o osnovama sigurnosti saobraćaja na putevima u BiH, stav (9) mijenja se i glasi:

„(9) Bliže odredbe o obavljanju kontrole iz stava (7) ovog člana pravilnikom propisuje organ entiteta, kantona i Brčko Distrikta Bosne i Hercegovine nadležan za obrazovanje, u skladu s općim principima za vršenje kontrole propisanim podzakonskim aktom iz st. (10) i (11) ovog člana.“

Amandman II.

U član 48. stav (2) mijenja se i glasi:

„,Iza člana 178. dodaje se novi član 178a. koji glasi:

„Član 178a.

O uspješno završenoj obuci za vozača motornih vozila, autoškole, obrazovne ustanove i Crveni krst izdaju potvrde“““.

Amandman III.

U članu 80. dodaje se novi stav (7) koji glasi:

„(7) Iza tačke 27) dodaje se nova tačka 27a) koja glasi:

„27a) kandidat za vozača i instruktor vožnje ako postupe suprotno odredbama člana 180.“

Dosadašnji st. (7) i (8) postaju st. (8) i (9).

Članovi Komisije su većinom glasova prihvatili amandman I. i jednoglasno amandmane II. i III.

U nastavku je predsjedavajuća predložila da se članovi Komisije izjasne o pet amandmana koje je uložio Slobodan Šaraba:

Amandman I.

U članu 32. u stavu (1) iza riječi „života“ briše se tačka i dodaje tekst koji glasi: „i koji posjeduje potvrdu autoškole da je osposobljen za upravljanje zaprežnim vozilom na autoputu“.

Iza stava (8) dodaje se novi stav (9) koji glasi:

„Program teorijskog osposobljavanja donosi ministar, u saradnji s Agencijom za vozačke ispite i strukovnim organizacijama“.

Amandman II.

U članu 45. u tački 4) tekst: „odgovarajući dokument o poznavanju propisa o sigurnosti saobraćaja“ zamjenjuje se riječima: „odgovarajuću vozačku dozvolu“.

Amandman III.

U članu 46. mijenjaju se st. (1), (2) i (3), a iza stava (4) dodaje se novi stav (4)a.

- (1) Osposobljavanje kandidata za vozače i polaganje vozačkog ispita obavlja se prema propisima koje donosi ministar, u saradnji s Agencijom za vozačke ispite (AVI) i strukovnim organizacijama.
- (2) Osposobljavanje kandidata za vozače obavljaju autoškole po ovlaštenju Agencije za vozačke ispite (AVI), nakon što se utvrdi da ispunjavaju uslove određene zakonom i propisima donesenim na osnovu zakona.
- (3) Osposobljavanje kandidata za vozače motornih vozila iz Prve pomoći obavlja Crveni krst/križ BiH, kao i autoškole koje dobiju odobrenje od Agencije za vozačke ispite (AVI), entiteta, kantona i Brčko Distrikta.
- (4a) Osposobljavanje kandidata za vozača iz oblasti upravljanja motornim vozilom može se obavljati i motornim vozilom s automatskim mjenjačem, što se posebno naglašava u vozačkoj dozvoli „s automatskim mjenjačem“.

Amandman IV.

U članu 50. u stavu (4) tekst: „u saradnji s organom nadležnim za obrazovanje“ briše se i dodaje tekst: „u saradnji s Agencijom za vozačke ispite (AVI) i strukovnom organizacijom Asocijacija autoškola u Bosni i Hercegovini“.

Amandman V.

U članu 53. u stavu (1) iza riječi „organizira“ dodaju se riječi: „u saradnji s Agencijom za vozačke ispite (AVI) i asocijacijom autoškola Bosne i Hercegovine“.

Predsjedavajuća je podsjetila da Ministarstvo komunikacija i prometa BiH nije podržalo nijedan od pet predloženih amandmana. S jednim glasom „za“, tri glasa „protiv“ i bez „suzdržanih“ glasova, Komisija je odbila svih pet amandmana Slobodana Šarabe.

Nakon toga, predsjedavajuća je predložila da se Komisija izjasni o amandmanu delagata Ilije Filipovića:

Amandman I.

U članu 39. stav (1) Prijedloga zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini iza riječi: „Granične policije Bosne i Hercegovine“ umjesto tačke stavlja se zarez i dodaju riječi: „službena vozila članova Predsjedništva Bosne i Hercegovine, službena vozila predsjedavajućih i zamjenika predsjedavajućih oba doma Parlamentarne skupštine Bosne i Hercegovine i službena vozila predsjedavajućih i zamjenika predsjedavajućih Vijeća ministara Bosne i Hercegovine.“

S dva glasa „za“, dva glasa „protiv“ i bez glasova „suzdržanih“, Komisija je odbila amandman Ilije Filipovića.

Nakon provedene rasprave, u skladu s članom 104. stav (4) Poslovnika Doma naroda, Komisija je, s tri glasa „za“, jednim glasom „protiv“ i bez „suzdržanih“ glasova, prihvatila Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini sa usvojenim amandmanima, te predlaže Domu naroda Parlamentarne skupštine BiH njegovo usvajanje.

U skladu s odredbama člana 107. Poslovnika Doma naroda Parlamentarne skupštine BiH, Komisija je za izvjestioca na sjednici Doma odredila Almu Čolo, predsjedavajuću Komisije.

Ad.4. Razmatranje Prijedloga zakona o zaštiti topografije integriranog kola (prva komisijska faza), predlađač: Vijeće ministara BiH

Predsjedavajuća Komisije je na početku informirala prisutne da se radi o prvoj komisijskoj fazi, te da se članovi Komisije danas izjašnjavaju samo o principima predloženog zakona. Dalje je naglasila da je, shodno odredbama člana 98. stav (2) Poslovnika Doma naroda, zatraženo i dobiveno mišljenje Direkcije za evropske integracije BiH u kojem se konstatira da je Prijedloga zakona djelimično usklađen s pravnom tečevinom Evropske unije (*acquais communautaire*).

Sjednici je prisustvovao predstavnik predlaagača, te pošto članovi Komisije nisu imali dodatnih pitanja, predsjedavajuća je predložila da se izjasne o predloženom zakonu.

Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH jednoglasno je podržala principe Prijedloga zakona o zaštiti topografije integriranog kola.

Za izvjestioca na sjednici Doma naroda imenovana je Alma Čolo, predsjedavajuća Komisije.

- Ad.5. Razmatranje davanja saglasnosti za ratificiranje Sporazuma o zajmu između Bosne i Hercegovine i Evropske banke za obnovu i razvoj za Projekat Mahovljanska petlja;**
- Ad.6. Razmatranje davanja saglasnosti za ratificiranje Sporazuma o finansiranju i projektu između KfW, Frankfurt na Majni, i Bosne i Hercegovine, koju zastupa Ministarstvo finansija i trezora BiH, kao i Federacije Bosne i Hercegovine, koju zastupa Federalno ministarstvo finansija, i Općine Bihać, Agencija za izvođenje projekta, Prikupljanje i tretman otpadnih voda, Bihać;**
- Ad.7. Razmatranje davanja saglasnosti za ratificiranje Sporazuma o zajmu (Projekat poboljšanja životnih uslova na selu) između Bosne i Hercegovine i Međunarodnog fonda za poljoprivredni razvoj;**
- Ad.8. Razmatranje davanja saglasnosti za ratificiranje Sporazuma između Vijeća ministara BiH i Vlade Crne Gore o prijevozu putnika i tereta u međunarodnom drumskom saobraćaju;**
- Ad.9. Razmatranje davanja saglasnosti za ratificiranje Sporazuma o zračnom saobraćaju između Vijeća ministara BiH i Vlade Ruske Federacije;**
- Ad.10. Razmatranje davanja saglasnosti za ratificiranje Sporazuma između Bosne i Hercegovine i Republike Indije o međusobnoj pravnoj pomoći u krivičnim stvarima;**
- Ad.11. Razmatranje davanja saglasnosti za ratificiranje Memoranduma o razumijevanju između saveznog ministra odbrane i sporta Republike Austrije, Vijeća ministara BiH, Vlade Republike Hrvatske, Vlade Kraljevine Danske, Ministarstva vanjskih poslova Republike Francuske, Vlade Republike Mađarske, Vlade Republike Makedonije, Vlade Kraljevine Holandije, Vlade Kraljevine Norveške, Vlade Republike Poljske, Vlade Švicarske Konfederacije, Vlade Republike Turske, Vlade Ujedinjenog Kraljevstva Velike Britanije i Sjeverne Irske i Vlade Sjedinjenih Američkih Država vezano za saradnju u radu Centra za obuku za operacije podrške miru u Bosni i Hercegovini;**

Predsjedavajuća Komisije Alma Čolo predložila je da se sporazumi od tačke 5. do tačke 11. dnevnog reda razmatraju zajedno. Konstatirala je da su prisutni predstavnici nadležnih ministarstava za eventualna dodatna pojašnjenja.

Prijedlog predsjedavajuće jednoglasno je prihvaćen i pošto nisu imali dodatnih pitanja, članovi Komisije jednoglasno su odlučili predložiti Domu naroda davanje saglasnosti za ratifikaciju:

- *Sporazuma o zajmu između Bosne i Hercegovine i Evropske banke za obnovu i razvoj za Projekat Mahovljanska petlja;*
- *Sporazuma o finansiranju i projektu između KfW, Frankfurt na Majni, i Bosne i Hercegovine, koju zastupa Ministarstvo finansija i trezora BiH, kao i Federacije Bosne i Hercegovine, koju zastupa Federalno ministarstvo finansija, i Općine Bihać, Agencija za izvođenje projekta, Prikupljanje i tretman otpadnih voda, Bihać;*
- *Sporazuma o zajmu (Projekat poboljšanja životnih uslova na selu) između Bosne i Hercegovine i Međunarodnog fonda za poljoprivredni razvoj;*
- *Sporazuma između Vijeća ministara BiH i Vlade Crne Gore o prijevozu putnika i tereta u međunarodnom drumskom saobraćaju;*
- *Sporazuma o zračnom saobraćaju između Vijeća ministara BiH i Vlade Ruske Federacije;*
- *Sporazuma između Bosne i Hercegovine i Republike Indije o međusobnoj pravnoj pomoći u krivičnim stvarima;*
- *Memoranduma o razumijevanju između saveznog ministra odbrane i sporta Republike Austrije, Vijeća ministara BiH, Vlade Republike Hrvatske, Vlade Kraljevine Danske, Ministarstva vanjskih poslova Republike Francuske, Vlade Republike Mađarske, Vlade Republike Makedonije, Vlade Kraljevine Holandije, Vlade Kraljevine Norveške, Vlade Republike Poljske, Vlade Švicarske Konfederacije, Vlade Republike Turske, Vlade Ujedinjenog Kraljevstva Velike Britanije i Sjeverne Irske i Vlade Sjedinjenih Američkih Država vezano za saradnju u radu Centra za obuku za operacije podrške miru u Bosni i Hercegovini.*

Ad.12. Razmatranje Izvještaja o aktivnostima na Projektu „Autoput na Koridoru Vc“ i Plana narednih aktivnosti

Predsjedavajuća je upoznala prisutne da je Predstavnički dom usvojio Izvještaj o aktivnostima na Projektu „Autoput na Koridoru Vc“ i Plan narednih aktivnosti na 74. sjednici, održanoj 24.3.2010.

Nakon rasprave, Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH jednoglasno je usvojila Izvještaj o aktivnostima na projektu „Autoput na Koridoru Vc“ i Plan narednih aktivnosti i predlaže Domu naroda Parlamentarne skupštine BiH njegovo usvajanje.

U smislu odredbi člana 107. Poslovnika Doma naroda Parlamentarne skupštine BiH, za izvjestioca u plenarnoj fazi imenovana je Alma Čolo, predsjedavajuća Komisije.

Ad.13. Razmatranje Prijedloga mjera Vijeća ministara BiH za poboljšanje uslova poslovanja u poljoprivrednoj proizvodnji i prehrambenoj industriji Bosne i Hercegovine

Predsjedavajuća je podsjetila prisutne da je Prijedlog mjera za poboljšanje uslova poslovanja u poljoprivrednoj proizvodnji i prehrambenoj industriji Bosne i Hercegovine dostavljen s ciljem realizacije zaključaka koje su oba doma usvojila (Predstavnički dom na 61. sjednici, održanoj 30.9.2009., a Dom naroda na 37. sjednici, održanoj 19.10.2009.) prilikom razmatranja i usvajanja Izvještaja iz oblasti poljoprivrede za 2008. godinu. Dodala je da je Predstavnički dom usvojio Prijedlog mjera na nastavku 73. sjednice, 23.3.2010., te da je tom prilikom usvojen i jedan zaključak. Predsjedavajuća je predložila da identičan zaključak Komisija prihvati i predloži Domu naroda na usvajanje.

Nakon rasprave, *Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH jednoglasno je odlučila da predloži Domu naroda Parlamentarne skupštine BiH da usvoji Prijedlog mjera Vijeća ministara BiH za poboljšanje uslova poslovanja u poljoprivrednoj proizvodnji i prehrambenoj industriji Bosne i Hercegovine.*

Komisija je, također jednoglasno, usvojila i sljedeći zaključak i predlaže Domu naroda Parlamentarne skupštine BiH njegovo usvajanje:

„Obavezuje se Ministarstvo vanjske trgovine i ekonomskih odnosa BiH da, dva puta godišnje, dostavlja Parlamentarnoj skupštini BiH informaciju o odnosima bilansa potreba i stanja koji uključuje vanjskotrgovinske bilanse za proizvode iz tač. 1. i 2. Prijedloga mjera za poboljšavanje uslova poslovanja u poljoprivrednoj i prehrambenoj industriji Bosne i Hercegovine. Rokove iz prijedloga mjera treba uskladiti s vremenom prihvatanja mišljenja Komisije.“

U smislu odredbi člana 107. Poslovnika Doma naroda Parlamentarne skupštine BiH, za izvjestioca u plenarnoj fazi imenovana je Alma Čolo, predsjedavajuća Komisije.

Ad.14. Razmatranje Izvještaja Delegacije Parlamentarne skupštine BiH pri Parlamentarnoj skupštini Vijeća Evrope o aktivnostima Vijeća Evrope u 2009. godini

Predsjedavajuća Komisije podsjetila je prisutne da se ovaj izvještaj dostavlja domovima Parlamentarne skupštine BiH na razmatranje, prije svega, na osnovu Rezolucije 1575 (2007) Parlamentarne skupštine Vijeća Evrope koja poziva parlamente zemalja članica da najmanje jednom godišnje organiziraju raspravu o Vijeću Evrope i njegovim aktivnostima. Istakla je, između ostalog, da je potreba rasprave o aktivnostima Vijeća Evrope u ovom trenutku dodatno pojačana činjenicom da je Parlamentarna skupština Vijeća Evrope na januarskom zasjedanju usvojila Rezoluciju 1701 i Preporuku 1894 o funkcioniranju demokratskih institucija u BiH.

Predsjedavajuća Čolo dalje je informirala prisutne da je Predstavnički dom raspravljao o Izvještaju na 74. sjednici, održanoj 23.3.2010., i tom prilikom usvojio četiri zaključka, dok jedan zaključak nije dobio potrebnu većinu, tako da slijedi usaglašavanje u Kolegiju Predstavničkog doma. Predložila je da Komisija prihvati zaključke koje je usvojio Predstavnički dom i da ih predloži Domu naroda na usvajanje.

Nakon rasprave, Komisija je jednoglasno usvojila sljedeće zaključke koje predlaže Domu naroda Parlamentarne skupštine BiH na usvajanje:

- Predstavnički dom prima k znanju Izvještaj o aktivnostima Vijeća Evrope u 2009. godini s priloženim dokumentima,
- Predstavnički dom preporučuje da se Izvještaj o funkcioniranju demokratskih institucija BiH te Rezolucija 1701 (2010) i Preporuka 1894 (2010) prosljede nižim nivoima vlasti na upoznavanje i prepoznavanje svog dijela obaveza iz ovih dokumenata,
- Predstavnički dom urgira da se ubrza ratifikacija Povelje o regionalnim i manjinskim jezicima, što je jedna od preostalih postprijemnih obaveza,
- Predstavnički dom poziva Predsjedništvo BiH da ubrza proces imenovanja predstavnika BiH u međunarodnim tijelima, i to: u Evropskom komitetu za sprečavanje mučenja i nečovječnog ili ponižavajućeg postupanja ili kažnjavanja, Savjetodavnom komitetu Okvirne konvencije za zaštitu nacionalnih manjina, Evropskoj komisiji protiv rasizma i netolerancije i Venecijanskoj komisiji.

U smislu odredbi člana 107. Poslovnika Doma naroda Parlamentarne skupštine BiH, za izvjestioca u plenarnoj fazi imenovana je Alma Čolo, predsjedavajuća Komisije.

Ad.15. Informacije Ministarstva vanjskih poslova Bosne i Hercegovine:

- **Liberalizacija viznog režima za građane Bosne i Hercegovine – aktuelne informacije**

Članovi Komisije primili su k znanju informaciju Ministarstva vanjskih poslova BiH

Ad.16. Tekuća pitanja:

- **Godišnji izvještaj o aktivnostima Energetske zajednice**

Članovi Komisije primili su k znanju Godišnji izvještaj o aktivnostima Energetske zajednice.

Sjednica je završena u 14,45 sati.

Sekretar Komisije
za vanjsku i trgovinsku politiku,
carine, saobraćaj i komunikacije
Nenad Pandurević

Predsjedavajuća Komisije
za vanjsku i trgovinsku politiku,
carine, saobraćaj i komunikacije
Alma Čolo